

皇  
清  
經  
解

上

清

風

平

皇清經解卷一千二百四十一

學海堂

易義別錄

武進張編修惠三言著

周易于氏卷下

下經 彖 象

明夷

獲明夷之心于出門庭注云一為室二為戶三為庭四為門故

曰于出門庭矣集解

此爻位遠近之例

蹇

九五大蹇朋來象曰大蹇朋來以中節也注云在險之中而當

王位故曰大蹇此蓋以託文王為紂所囚也承上據四應二眾

陰並至以三陰爲朋此蓋以託四臣能以權智相救也故曰以

中節也

集解

承據例諸家唯以陰承陽于則凡在下者曰承

益

王用享于帝吉注云聖王先成其民而後致力于神故王用享

于帝在巽之宮益巽五世卦處震之象震巽皆木是則蒼精之

帝同始祖矣

集解

六二益之用凶事无咎有孚中行告公用圭象曰益用凶事固

有之矣注云固有如桓文之徒罪近篡弒功實濟世六三失位

而體姦邪震三庚辰主土方之情樂樂行姦邪處震之動懷

巽之權巽以申命以行權是矯命之士爭奪之臣桓文之爻也

故曰益之用凶事在益之家而居坤中互象能保社稷愛撫人  
民故曰无咎既乃中行近仁故曰有孚中行然後俯列盟會仰  
致錫命故曰告公用圭

集解

互卦例

吏

孚號有厲其危乃光也注云吏九五則飛龍在天之爻也應天  
順民以發號令故曰孚號以剛決柔以臣伐君武王伐紂之事  
也剛決柔而象臣伐君蓋以陽自下升以至五也蓋易象于是  
大謬矣君子危之故曰有厲德大即心小

即當為而

功高而意下故

曰其危乃光也

集解

告自邑注云殷民告周以紂无道

集解

姤

九五以杞包瓜注云初二體巽為草木二又為田虞氏象例田中之果柔而蔓者瓜之象也

集解 蓋以初為瓜二為杞

升

九二孚乃利用禴象曰九二之孚有喜也注云剛中而應故孚也又言乃利用禴于春時也春禴殷禮非時而祭曰禴然則文王儉以恤民四時之祭皆以禴禮神享德與信不求備也故既濟九五曰東鄰殺牛不如西鄰之禴祭實受其福九五坎坎為豕然則禴祭以豕而已用鄭禮記注不奢淫于禮故曰有喜矣

集解

困

初六臀困于株木注云兌為孔穴逸象坎為隱伏隱伏在下而

漏孔穴臀之象也集解若以兌為孔穴則出隱伏之上非臀象尤

非初象于氏取象其疏如此

井

井改邑不改井无喪无得往來井井汔至亦未繙井羸其瓶凶

注云水殷德也木周德也坎為水巽為木又井震宮五世卦震

木變坎水夫井德之地也所以養民性命而清絜之主者也自

震化行至於五世改殷紂比屋之亂俗而不易成湯昭假之法

度也故曰改邑不改井二代之制各因時宜損益雖異括囊則

同括囊猶大致也故曰无喪无得往來井井也當殷之末井道

之窮故曰汔至周德雖興未及革正故曰亦未繙井井泥為穢

百姓無聊比者

姚本作屋是也

之間交受塗炭故曰羸其瓶凶矣

集解

初六井泥不食舊井无禽注云在井之下體本土爻巽初辛丑

丑為土故曰泥也井而為泥則不可食故曰不食此託紂之穢

政不可以養民也舊井謂殷之未喪師也亦皆清絜无水禽之

穢又況泥土乎故舊井无禽矣

集解

九三井渫不食為我心惻可用汲王明並受其福象曰井渫不

食行惻也求王明受福也注云此託殷之公侯時有賢者獨守

成湯之法度而不見任謂微箕之倫也故曰井渫不食為我心

惻惻傷悼也民乃外附故曰可用汲周德來被故曰王明王得

其民民得其王故曰求王明受福也

集解

上六井收网幕元吉

釋文

集解

象曰元吉在上大成也注云

引网作网



處井上位在瓶之水也故曰井收幕覆也井以養生政以養德  
无覆水泉而不惠民无蘊典禮而不興教故曰井收罔幕罔幕  
則教信於民民服教則大化成也

集解

革

巳日乃孚革而信之注云天命巳至之日也乃孚大信著也武  
王陳兵孟津之上諸侯不期而會者八百國皆曰紂可伐矣武  
王曰爾未知天命未可也還歸二年紂殺比干囚箕子爾乃伐  
之所謂巳日乃孚革而信也

集解

革之時大矣哉注云革天地成四時誅二叔除民害天下定武  
功成故大矣哉也

集解

初九鞶用黃牛之革注云鞶固也離為牝牛用荀氏逸象窮爻

本坤离得坤黄牛之象也坤色黄在革之初而无應據未可以動故曰輦用黄牛之革此喻文王雖有聖德天下歸周三分有二而服事殷其義也

集解

九四悔亡有孚改命吉象曰改命之吉信志也注云爻入上象喻紂之郊也下卦為內上卦為外故四象紂郊以逆取而四海順之動凶器而前歌後舞故曰悔亡也中流而白魚入舟天命信矣故曰有孚甲子夜陳兩甚至水德賓服之祥也故曰改命之吉信志也

集解

上六君子豹變小人革面征凶居貞吉象曰君子豹變其文蔚也小人革面順以從君也注云君子大賢次聖之人謂若太公周召之徒也豹虎之屬蔚炳之次也君聖臣賢殷之頑民皆改

志從化故曰小人革面天下既定必倒載于戈包之以虎皮將

卒當為之士使為諸侯故曰征凶居貞吉得正有應君子之象

也集解

鼎

六五鼎黃耳金鉉利貞注云凡舉鼎者鉉也尚三公者王也金  
喻可貴中之美也故曰金鉉鉉鼎得其物施令得其道故曰利

貞也集解

上九鼎玉鉉大吉无不利注云玉又貴於金者凡亨飪之事自  
鑊升於鼎載於俎自俎入於口馨香上達動而彌貴故鼎之義  
上爻愈吉也鼎主亨飪不失其和金玉鉉之不失其所公卿仁

賢天王聖明之象也君臣相臨剛柔得節故曰吉无不利也集解

震

出可以守宗廟社稷以為祭主也注云周木德震之正象也為  
 殷諸侯殷諸侯之制其地百里是以文王小心翼翼昭事上帝  
 聿懷多福厥德不回以受方國故以百里而臣諸侯也為諸侯  
 故主社稷為長子而為祭主也祭禮薦陳甚多而經獨言不喪  
 匕鬯者匕牲體薦鬯酒人君所自親也

集說七鬯用鄭

初九震來虩虩後笑言啞啞吉注云得震之正首震之象者震  
 來虩虩美里之厄也笑言啞啞後受方國也

集解

六二震來厲億喪貝躋于九陵勿逐七日得象曰震來厲乘剛  
 也注云六二木爻震二庚寅寅木也震之身也惠徵士云震為  
 木木爻為震之身得位无應而以乘剛為危此託文王積德累

功以被囚爲禍也故曰震來厲億歎辭也貝寶貨也產乎東方  
行乎大塗也據闕天之徒于江淮之浦求得大貝江淮東南亦  
得云東方也震爲東方爲大塗此以喻紂拘文王闕天之徒乃  
於江淮之浦求盈箱之貝而以賂紂也故曰億喪貝貝水物而  
方升於九陵今雖喪之猶外府也故曰勿逐七日得七日得七  
年之日也故書曰誕保文武受命惟七年是也

集解

卦身例惠徵士云震以六二庚寅爲身則乾之九四壬申金  
坎巽離之上爻戊子水辛卯木己巳火兌之九五丁酉金皆  
身也坤初六乙未六四癸丑皆土艮初六丙辰六四丙戌皆  
土是有二身所未詳也又乘例

漸

象曰其羽可用為儀吉不可亂也注云處漸高位斷漸之進斷  
字疑誤義未詳順艮之吉謹巽之全履坎之通據離之耀互離  
坎婦德既終母教又明有德而可受受字亦疑誤有儀而可象  
故曰其羽可用為儀不可亂也

集解

歸妹

歸妹人之終始也注云歸妹者衰落之女也父既沒矣兄主其  
禮子續父業人道所以相終始也

集解

象曰澤上有雷歸妹君子以永終知敝注云雷薄于澤八月九  
月將藏之時也歸妹內卦候八月外卦九月君子象之故不敢  
恃當今之虞虞安也而慮將來之禍也

集解

豐

勿憂宐日中注云豐坎宮陰世在五坎五世五陰爻以其宐中

而憂其側也至五世將游魂坎為夜子也變為晝午也以离變

坎至於天位日中之象也殷水德坎象晝敗姚木作晝敗是也寫者因上有商為

晝之文而誤耳而离居之周伐殷居王位之象也聖人德大而心小既

居天位而戒懼不怠勿憂者勸勉之言也猶詩曰上帝臨爾无

貳爾心言周德當天人之心宐居王位故宐日中集解

九二豐其芾釋文宋本如此本或作其韋非注云芾祭祀之蔽膝釋文用鄭

上六豐其屋蔀其家闐其戶闐其无人三歲不覲凶注云在豐

之家居乾之位震上庚戌戌為乾位乾為屋宇故曰豐其屋此

蓋記丁敘授云紂之後造為璿室玉臺也蔀其家者以記亦當為記

紂多傾國之女也社稷既亡宮室虛曠故曰闐其戶闐其无人

闐無人貌也三者天地人之數也凡國於天地有興亡焉故王者之亡其家也必天示其祥地出其妖人反其常非斯三者亦弗之亡也故曰三歲不覲凶然則璿室之成三年而後亡國矣

集解 旅

六五射雉一矢亡終以譽命象曰終以譽命上逮也注云离為雉為矢與為木為進退艮為手兌為洩有木在手進退其體矢洩於外射之象也一陰升乾离六五一陰入乾中故曰一矢履非其位下又无應雖復射雉終亦失之故曰一矢亡也一矢亡者喻有損而小也此記當為託 祿父為王者後雖小叛擾終逮安周室訓逮為安也故曰終以譽命矣集解



節

上六苦節貞凶悔亡注云彖稱苦節不可貞在此爻也稟險伏之教坎為險為隱伏懷貪狼之志坎上戊子子主北方愛為貪狼以苦節之性而遇甘節之主必受其誅華士少正卯之父也故曰貞凶苦節既凶甘節志得故曰悔亡

集解

中孚

吾與爾靡之

釋文

注云靡散也

釋文

既濟

婦喪其茀注云茀馬鬣也

釋文

九三高宗伐鬼方三年克之注云高宗殷中興之君鬼北方國也高宗嘗伐鬼方三年而後克之商為弋兵故稱伐坎當北方

故稱鬼在既濟之家而述先代之功以明周因於殷有所弗甚

也集解

未濟

未濟亨小狐汔濟濡其尾无攸利注云坎為狐說文曰汔涸也

案剛柔失正故未濟也五居中應剛故亨也小狐力弱汔乃可

濟水既未涸而乃濟之故尾濡而无攸利也集解

小狐汔濟未出中也注云狐野獸之妖者以喻祿父中謂二也

困而猶處中故也此以記當為託紂雖亡國祿父猶得封矣集解

其尾无攸利不續終也注云言祿父不能敬奉天命以續既終

之禮謂叛而被誅也集解雖不當位剛柔成也注云六爻皆相應

故微子更得為客也集解

九二曳其輪貞吉注云坎為輪離為牛牛曳輪上以承五命猶東蕃之諸侯共攻三監以康周道故曰貞吉也集解

六二未濟征凶利涉大川象曰未濟征凶位不當也注云吉凶

者言乎其失得也祿父反叛管蔡與亂兵連三年誅及骨肉故

曰未濟征凶平克四國以濟大難故曰利涉大川坎也以六居

三不當其位猶周公以臣而君故流言作矣集解

六五貞吉无悔君子之光有孚吉注云以六居五周公攝政之

象也故曰貞吉无悔制禮作樂復子明辟天下乃明其道乃信

其誠故君子之光有孚吉矣集解

繫辭上

悔吝者憂虞之象也注云悔七則虞于訓虞為安故悔亡則虞

有小吝則憂憂虞未至於失得悔吝不入於吉凶事有小大故辭有緩急各象其意也

集解

憂悔吝者存乎介注云介纖介也

釋文

用王肅

故神无方而易无體注云否泰盈虛者神也變而周流者易也言神之鼓萬物无常方易之應變化无定體也

集解

否泰盈虛似說卦候也卦候有方而不拘常方故或見子為坎北方或見子為乾西北或見子為震東方也變而周流似說八宮六世也世有卦體而不拘定體故見初九為震爻見九二為坎爻也

慎斯術也以往

慎存震反釋文

用鄭

大衍之數五十注云衍廣也

集解又釋文

合天地之數也

古之聰明睿知神武而不殺者夫

殺所戒反 釋文

用馬鄭王肅

是故易有太極注云發初言是故總眾篇之義也

集解

繫辭下

以待暴客注云卒暴之客為奸寇也

集解

是故易者象也注云言是故又總結上義也

集解

精義入神以致用也注云能精義理之微以得未然之事是以

涉於神道而逆禍福也

集解

君子知微知章知柔知剛萬夫之望注云言君子苟達於此則

萬夫之望矣周公聞齊魯之政知後世強弱之勢辛有

而祭則知為戎狄之居凡若此類可謂知幾也皆稱君

則以得幾不必聖者也

集解

男女構精萬物化生注云男女猶陰陽也故萬物化生言萬物則不主于男女不言陰陽而言男女者以指釋損卦六三之辭

主于人事也集解

辯物正言斷辭則備矣注云辯物下當脫辯物字類也正言言止義也

斷辭斷吉凶也如此則備于經矣集解

謙德之柄也注云柄所以持物謙所以持禮者也集解

外內使知懼又明於憂患與故无有師保如臨父母注云言易

道以戒懼為本所謂懼以終始歸无咎也外謂丈夫之從王事

則夕惕若厲內謂婦人之屋室則无攸遂也雖无師保切磋之

訓其心敬戒常如父母之臨已者也集解

易之為書也原始要終注云重發易者別殊旨也集解

六爻相雜唯其時物也注云一卦六爻則皆雜有八卦之氣若初九爲震爻九二爲坎爻也此乾坤生六子之爻鄭亦用之九

二爲艮初六巽六一二離六三兌外卦三爻六同

外卦三爻六同 吳育案六字疑

當作亦

或若見辰戌言艮巳亥言兌也卦雖六辰各有所主故分

屬之此與乾坤生六子亦合每一卦皆兼三卦各以陰陽或若以甲壬名乾以乙癸名坤也納干無兩屬者此例未詳或若以午位名離以子位名坎說卦方位或若德來爲好物刑來爲惡物受生爲德克害爲刑王相爲興休廢爲衰

集解

太元曰五行用

事者王王所生相故王廢勝王囚王所勝死

六例於殘文中俱无證

初辭擬之卒成之終注云初擬議之故難知卒終成之故易知

木末勢然也

集解

爻有等故曰物注云等羣也爻中之義羣物交集五星天之經星也于易未聞四氣亥卯未木寅午戌火巳酉丑金申子辰水土兼其中故四六親九族即父母兄弟子孫也官為夫財為妻福德刑殺福即德也殺即刑也眾刑萬類皆來發於爻故總謂之物也象頤中有物曰噬嗑是其義也

集解頤中有物與上諸例不合未詳

文不當故吉凶生焉注云其辭為文也動作云為必考其事合與爻義相稱也事不稱義雖有吉凶則非今日之吉凶也故云亨利貞而穆姜以死黃裳元吉南蒯以敗是所謂文不當也故於經則有君子吉小人否于占則王相之氣君子以遷宮小人



以遇罪也

集解

說卦

幽贊於神明而生蓍注云幽昧人所未見也贊求也言伏羲用明於昧冥之中以求萬物之性爾乃得自然之神物能通天地之精而管御百靈者始為天下生用蓍之法者也

集解

為駮

釋文

注云駮雜色

釋文

為莛注云莛花之通名鋪為花貌

一作菜

謂之藪

釋文

末詳或有脫

誤

其於木也為科上煇

釋文

序卦

有天地然後萬物生焉注云物有先天地而生者矣今正取始

於天地天地之生聖人弗之論也故其所法象必自天地而還  
老子曰有物混成先天地生吾不知其名強字之曰道上繫曰  
法象莫大乎天地莊子曰六合之外聖人存而不論春秋穀梁  
傳曰不求所知不可知者智也而今後世浮華之學彊支離道  
義之門求人虛誕之域以傷政害民豈非讒說殄行大舜之所  
疾者乎

集解

惠徵士云合升之時元學大行而其論卓然不爲異端所惑  
若預知後世有僞造先天圖者真聖教之干城也

需者飲食之道也注云需坤之游魂也雲升在天而雨未降翔  
翔東西須之象也王事未至飲宴之日也夫坤者地也婦人之  
職也百穀果蓏之所生禽獸魚鼈之所託也而在游魂變化之

家卽亨焚腥實以爲和味者也故曰需者飲食之道也

集解

有男女然後有夫婦有夫婦然後有父子有父子然後有君臣  
有君臣然後有上下有上下然後禮義有所錯注云錯施也此  
詳言人道三綱六紀有自來也人有男女陰陽之性則自然有  
夫婦配合之道有夫婦配合之道則自然有剛柔尊卑之義陰  
陽化生血體相傳則自然有父子之親以父立君家人有嚴君  
以子資臣資于事父以事君而敬同則必有君臣之位有君臣  
之位故有上下之序有上下之序則必禮以定其體義以制其  
宜明先王制作蓋取之于情者也上經始於乾坤有生之本也  
下經始於咸恆人道之首也易之興也當殷之末世有姐己之  
禍當周之盛德有三母之功以言天不地不生夫不婦不成相

須之至王教之端故詩以關雎為國風之始而易於咸恆備論

禮義所由生也

集解

雜卦

晉晝也明夷誅也注云日上中君道明也明君在上罪惡必刑

也

集解

君子道長小人道憂也注云凡易既分為六十四卦以為上下

經天人之事各有始終先儒皆以上經明天地下經明人事上

經始乾坤則終坎離下經始咸恆則終既濟未濟也夫子又

序卦以明其相承受之義然則文王周公所遭之運武王成王

所先後之政者精受命短長之期備於此矣而夫子又重為雜

卦以易其次第雜卦之末又改其例不以兩卦反覆相酬者以

示來聖後王明道非常道事非常事也化而裁之者存乎變是以終之以決言能決斷其中唯陽德之主也故曰易窮則變通則久總而觀之伏羲黃帝皆繫世象賢欲使天下世有常君也而堯舜禪代非黃農之化朱均頑也湯武逆取非唐虞之迹桀紂之不君也伊尹廢立非從順之節使太甲思愆也周公攝政非湯武之典成王幼年也凡此皆聖賢所遭遇異時者也夏政尙忠忠之弊野故殷自野以教敬敬之弊鬼故周自鬼以教文文之弊薄故春秋闕諸二代而損益之顏回問爲邦子曰行夏之時乘殷之輅服周之冕弟子問政者數矣而夫子不與言三代損益以非其任也回則備言王者之佐伊尹之人也故夫子及之焉是以聖人之於天下也同不是異不非百世以俟聖人

而不惑一以貫之矣

集解

皇清經解

皇清經解卷一千二百四十一終

嘉應生員葉榦校

皇清經解卷一千二百四十二

學海堂

易義別錄

武進張編修惠言著

周易馬氏

費氏古文易徒以彖象繫辭文言解說上下經無章句七錄有費氏章句四卷蓋偽託不足信傳之者前漢王璜後漢陳元鄭眾皆無著書有書自馬融始七錄云馬融傳九卷隋經籍志梁有漢南郡太守馬融注一卷亡一疑九字之誤而釋文敘錄及唐藝文志皆有馬融傳十卷孔穎達陸德明李鼎祚引馬融說似俱親見其書不知隋志何以云亡也馬融爲易傳授鄭康成康成爲易注于是費氏遂興然陸德明以爲永嘉之亂鄭注行世而費氏之易無人傳者豈以偽託之章

句爲費氏邪荀爽亦注費氏易者其義又特異或者費氏本無訓說諸儒斟酌各家以通之馬鄭荀各自名家非費氏本學也鄭易之于馬猶詩之于毛然注詩稱箋而易則否則本之于馬者蓋少矣今馬傳既亡所見僅訓詁碎義就其一隅而返之大抵以乾坤十二爻論消息以人道政治議卦爻此鄭所本于馬也馬于象疎鄭合之以爻辰馬于人事雜鄭約之以周禮此鄭所以精于馬也故錄馬氏之傳著鄭氏所以同異爲費氏學者可以攷焉

上經

乾

初九潛龍勿用傳云物莫大於龍故借龍以喻天之陽氣也初



九建子之月陽氣始動於黃泉既未萌芽猶是潛伏故曰潛龍也

集解

費氏易無六爻上息之例初九建子之月謂乾坤十二爻周十二月也以坤西南得朋之例推之當是十二月消息卦非鄭氏爻辰乾起子坤起未間時而主六辰之法也

坤

西南得朋東北喪朋傳云喪失也

釋文

孟秋之月陰氣始著而坤

之位同類相得坤位西南故曰同類故西南得朋孟春之月陽

氣始著陰始從陽失其黨類故東北喪朋

集解虞氏云

屯

初九槃桓傳云槃桓旋也

釋文

六二屯如逴如乘馬班如匪寇婚媾傳云逴如難行不進之貌

釋文班班旋不進也正義重婚曰媾正義釋文云媾重婚鄭云葍猶會不從

重婚以昏為即媾不必重也釋文云媾本作葍

往吝傳云吝恨也

釋文

蒙

上九繫蒙

釋文鄭同

需

光亨貞吉

總為一句釋文鄭同

有不速之客三人來傳云速召也

釋文

訟

訟有孚啞

釋文

惕中吉

中丁仲反

傳云啞讀為躓猶止也

釋文

鄭不

改字云啞覺悔貌

无膏傳云膏災也

釋文

復卽命渝傳云渝變也

釋文

鄭不從云渝然也

或錫之鞶帶終朝三褫之傳云鞶大也旦至食時爲終朝

釋文

帶大帶衣也

周易口訣義

大帶衣者以大帶表衣猶云冕弁服也禮

云鞶裂不得訓大故鄭改順爲佩鞶之帶則革帶也

師

師傳云二千五百人爲師

釋文

鄭用之

否臧

否方有反釋文

鄭同

比

比之匪人傳云匪非也

釋文

王用三驅傳云三驅者一曰乾豆二曰賓客三曰君庖釋文比三  
品不得為驅故鄭改用尚書大傳

小畜

輿說輟傳云輟車下縛也釋文鄭云伏菟輿下縛本輿軸相連鈞  
心之木

血去傳云血當作恤憂也釋文

有字攣如傳云攣連也釋文

履

履虎尾不咥人漢上易傳引馬融云兌為虎朱子發未能見馬  
傳蓋本集解虞氏云俗儒以兌為虎虞言俗儒  
多指馬鄭  
故意決之傳云咥齧釋文鄭作噬亦訓齧

九四履虎尾號號釋文鄭不從傳云號號恐懼也釋文

泰

泰傳云泰大也釋文與序卦違故鄭不從

謙

撝謙傳云撝猶離也釋文撝者指摩之意故云離離謙義迂故鄭

讀為宣

豫

豫傳云豫樂釋文鄭用之日之中

六二扞于石釋文傳云扞觸小石聲釋文鄭從古文作斫注謂摩斫

與觸小石亦不殊

九四猶豫釋文傳云猶豫疑也釋文凡經文卦名在爻未有合兩字

為義者故鄭從由云用也

朋盍臧釋文鄭不從

上六冥豫傳云冥冥昧眈於樂也釋文鄭不從

蠱

先甲三日後甲三日傳云甲在東方艮在東北故云先甲與在東南故曰後甲所以十日之中唯稱甲者甲為十日之首蠱為造事之端故舉初而明事始也言所以三日者不合而誅為之暴故令先後各三日欲使百姓徧習行而不犯也集解鄭用辛用丁增成此義

此用說卦方位取象例以此知馬鄭於易辭皆有象類无空者借其盡佚雖與之先庚後庚猶不能推比其例

有子考絕句釋文鄭不從

六四裕父之蠱傳云裕寬也

釋文

觀

觀盥而不薦有孚鳴若傳云盥者進爵灌地以降神也此是祭祀盛時及神降薦牲其禮簡畧不足觀也國家大事唯祀與戎王道可觀在於祭祀祭祀之盛莫過初盥降神故孔子曰禘自既灌而往者吾不欲觀之矣此言及薦簡畧則不足觀也以下見土見其至盛之禮萬民信敬故云有孚鳴若孚信鳴敬也

集解

馬解觀盥而不觀薦與經不比又以盥為灌字故鄭不從以為

主人盥獻而不設薦俎

初六童觀傳云童猶獨也

釋文

鄭不從

噬嗑

初九屨校 校音敎 釋文

六二噬膚傳云柔脆肥美曰膚 釋文

六三噬腊肉傳云晞于陽而煬于火曰腊肉 釋文

九四噬乾肺傳云有骨謂之肺 釋文

賁

白馬翰如傳云翰高也 釋文 荀同鄭不從

束帛弔弔傳云弔弔委積貌 釋文

剝

剝傳云剝落也 釋文 本乾鑿度鄭用之

蔑貞傳云蔑无也 釋文 鄭不從云輕慢以不正由于輕慢其道未

嘗无貞



六二剝牀以辨傳云辨足上也釋文鄭用之

復

无祇悔祇音之是反釋文傳云祇辭也釋文鄭不從

六三頻復傳云頻憂頻也釋文鄭作輦憂頻正字

无妄

无妄傳云妄猶望謂无所希望也釋文鄭用之

不蓄畬傳云蓄田一歲也畬田三歲也釋文鄭增成之

大畜

九二輿說輶傳云說解也釋文

日閑輿衛鄭曰作日傳云閑習釋文鄭用之

上九何天之衢傳云四達謂之衢釋文

頤

虎視眈眈傳云眈眈虎下視貌釋文

上九由頤厲吉傳云厲危釋文

大過

初六藉用白茅傳云在下曰藉釋文

老夫得其女妻集解虞氏云舊說以初為女妻上為老婦馬君亦然

此見男女之象由爻陰陽也

坎

上六繫用徽纆傳云徽纆索也釋文

離

初九履錯然錯七路反釋文

則大耄之嗟傳云七十曰耄釋文鄭云年踰七十

下經

咸

初六咸其拇傳云拇足大指也釋文鄭用之

憧憧往來傳云憧憧行貌釋文

九五咸其脢傳云脢背也正義鄭云背脊肉同義

上六咸其輔傳云輔上頤也正義釋文

恆

上六振恆傳云振動也釋文鄭云搖落也畧同

大壯

大壯傳云壯傷也釋文鄭不從

君子用罔貞厲羝羊觸藩羸其角傳云罔无

釋文

藩籬落也羸大

索也

釋文

羸鄭作纍依大索義作纍為近

晉

晉康侯傳云康安也

釋文

鄭不從

受茲介福于其王母傳云介大也

釋文

矢得勿恤

釋文

鄭同

明夷

六二明夷夷于左股

釋文

鄭作股傳云般旋也日隨天左旋也

釋文

六五箕子之明夷利貞傳云箕子紂之諸父明于天道洪範之

九疇德可以王故以當五知紂之惡無可奈何同姓恩深不忍

棄去被髮佯狂以明為暗故曰箕子之明夷卒以全身為武王

師名傳無窮故曰利貞矣

集解

爻位之例于此見之

家人

家人利女貞傳云家人以女為與主長女中女各得其正長女在上中女在下故正又巽六四離六二皆正位也故特曰利女

貞矣

集解

初九閑有家傳曰閑闌也防也

釋文

鄭不從與日閑輿衛一例解

之

九三家人嗃嗃悔厲吉婦子嘻嘻終吝傳云嗃嗃悅樂自得貌

嘻嘻笑聲

釋文

鄭作焄云苦熱之意嘻嘻義同

九五王假有家傳云假大也

釋文

鄭不從

睽

睽 音圭  
釋文

鄭同

其人天且劓傳云剝鑿其額曰天

釋文 漢上易  
傳引剝作刻

後說之壺

釋文 鄭同

蹇

六四往蹇來連傳云連亦難也

釋文 正義

鄭云遲久之意亦同

解

上六公用射隼于高墉之上傳云墉城也

釋文

損

六五或益之十朋之龜傳云爾雅云十朋之龜者一曰神龜二

曰靈龜三曰攝龜四曰寶龜五曰文龜六曰筮龜七曰山龜八

曰澤龜九曰水龜十曰火龜正義鄭用之

吏

其行次且傳云次卻行不前也且語助也釋文鄭作越越正字以

次且為假借也馬讀且為語助則次為次舍之次非七私反

九五莧陸傳云莧陸商陸也釋文正義作鄭用之

姤鄭從古文作遯

初六繫于金柅傳云柅者在車之下所以止輪令不動者也正義

九五以杞包瓜包百交反鄭同傳云杞大木也左傳曰杞梓皮

革自楚往正義大木也鄭以大木不可以包瓜故不從

萃

萃无亨字釋文以馬鄭同攷鄭注實有亨字

若號 號戶羔反 鄭同

孚乃利用禴傳云禴殷春祭名 釋文 鄭云夏祭名

馬以易用殷禮鄭以用周禮著于此矣此馬鄭之大異義

上六齋咨傳云齋咨悲聲怨聲 釋文 鄭用此義

升

升傳云升高也 釋文 鄭作昇云上也

九三升虛邑傳云虛邱也 釋文

六四王用亨于岐山 亨許兩反 鄭同傳云亨祭也 釋文 鄭云獻也

困

九四來徐徐傳云徐徐安行貌 釋文

井



六四井甃傳云甃為瓦裏下達上也

釋文

上六井收傳云收汲也

釋文

革

革傳云革改也

釋文

鄭用之

初九鞶用黃牛之革傳云鞶固也

釋文

九五大人虎變未占有孚傳云大人虎變虎變盛德折衝萬里望風而信以喻舜舞干羽而有苗自服周公修文德越裳獻雉故曰未占有孚矣

集解

鄭以大人為天子義亦同

鼎

覆公餗傳云餗餽也

釋文

餗謂糜也

穀梁傳僖公二十三年疏

鄭以覆餗受刑

左為珍其象美道非餽糜審矣馬蓋因繫作覆公弼故為此解

金鉉傳云鉉扛鼎而舉之也釋文鄭云舉君之官職是其義

震

震來虩虩笑言啞啞傳云虩虩恐懼貌啞啞笑聲釋文鄭用此義

六三震蘇蘇傳云蘇蘇尸祿素餐貌釋文鄭不從者以尸祿素餐

何得无咎

上六震索索視矍矍傳云索索內不安貌矍矍中朱得之貌釋文

鄭云足不正目不正申成之

艮

不承其隨漢上易傳引作不拯其隨古字承拯通釋文音承亦作拯救之拯傳云承舉也釋文

九四艮其限裂其夤厲熏心熏字據集解傳云限要也夤夾脊肉也

釋文熏灼其心集解虞

漸

六二鴻漸于磐飲食衎衎傳云山中石磐紆故稱磐也正義釋文云

山中磐紆衎衎饒衎釋文

九三鴻漸于陸傳云山上高平曰陸釋文

或得其桷傳云桷椽也釋文

歸妹

九四歸妹愆期傳云愆過也釋文

士刲羊傳云刲刺也釋文

豐

王假之假古雅反傳云假大也釋文

六二豐其蔀傳云蔀小也釋文鄭作菩小席亦本此義

日中見昧鄭同傳云昧星之小者釋文

闐其無人傳云闐無人貌釋文

旅

初六旅瑣瑣傳云瑣瑣疲弊貌釋文

兌

介疾有喜傳云介大也釋文

渙

初六用拯傳云拯舉也釋文

既濟

六二婦喪其茀傳云茀首飾也釋文

彖上

師

以此毒天下傳云毒治也釋文

履

履帝位而不疚傳云疚病也釋文

謙

天道毀盈而益謙釋文鄭不從

无妄

天命不右行矣哉釋文傳云謂天不右行釋文集解虞氏云右

行此即明夷夷于左般之義鄭不從

彖下

解

雷雨作而百果草木皆甲宅釋文傳云宅根也釋文鄭增成之云根日宅宅居也

革

革水火相息傳云息滅也釋文鄭雖無文以卦注亦用此義

象上

豫

殷薦之上帝傳云殷盛也釋文鄭用之

噬嗑

聰不明也傳云耳無所聞釋文

无妄

先王以茂對時傳云茂勉也對配也釋文

象下

家人

風自火出家人傳云木生火火以木為家故曰家人火生木木得風而盛猶夫婦之道相須而成

集解

豐

自戕也傳云戕殘也

釋文

鄭云傷也亦同

旅

其義焚也傳云義宜也

釋文

繫辭土

正義云分自茅草後取負且乘更為別章成十三章與姚信同

在天成象傳云象者日月星

禮記樂記正義

在地成形傳云植物動物

也禮記樂記正義鄭並用之

是故剛柔相摩八卦相蕩傳云摩切也釋文蕩除也釋文

天下之理得而易成位乎其中矣釋文鄭无易字

六爻之動三極之道也傳云三極三統也釋文鄭云三才

三統者三微也則是言卦氣費氏易无爻變馬以三統言動

必有用卦消息之例惜不可攷

所樂而玩者鄭作翫通字傳云玩貪也釋文

言乎其小疵也傳云疵瑕也釋文

震无咎者存乎悔傳云震驚也釋文鄭云懼也

犯違天地之化而不過釋文犯違謂不順其化而補救之也鄭作

範圍

故君子之道鮮矣傳云鮮少也釋文鄭作勉義同



爻法謂之坤

爻如字釋文

傳云爻放也

釋文

言天下之至賾而不可惡也

惡烏洛反釋文

大衍之數五十其用四十有九傳云易有太極謂北辰也太極

生兩儀兩儀生日月日月生四時四時生五行五行生十二月

十二月生二十四氣北辰居位不動其餘四十九轉運而用也

正義

鄭以天地之數五十有五經有明文故不從

以此太極謂北辰推前天命不右行明夷于左般則馬以天

行次舍說易可知鄭氏爻辰蓋亦從此出也北辰為太一即

極星禮記曰夫禮必本于太一分而為天地正與易言太極

同義虞氏亦以太極為太一易家古義如此

歸奇于扚傳云扚指間也

釋文

可與祐神矣傳云祐配也

釋文

易有太極傳云太極北辰也

釋文

鄭雖不從義則相貫

繫辭下

夫乾確然示人易矣夫坤隤然示人簡矣傳云確然剛貌隤然

柔貌也

釋文

作結繩而為罟以佃以漁傳云罟猶网也取獸曰佃取魚曰漁

釋文

耨之利傳云耨鉏也

釋文

重門擊柝傳云柝木相擊以行夜

釋文

鼎折足覆公餗

釋文

鄭不從

損德之循也

釋文

鄭不從

易之為書也不可遠

遠袁萬反 釋文

而揆其方傳云方道

釋文

噫亦要存亡吉凶則居可知矣

噫於力反居如字 釋文

傳云噫辭也居處

也

釋文

知者觀其彖辭傳云彖辭卦辭也

釋文

鄭皆不從

文言

聖人起而萬物觀

釋文

史記伯夷列傳集解引馬融云作起也蓋誤以其本為注文

鄭為作

由辯之不早辯也傳云辯別也

釋文

說卦

參天兩地而倚數傳云倚依也

釋文

漢上易傳作倚立也誤

五位相合以陰

從陽謂一六二七三八四九五十也天得三合謂一三與五也

地得兩合謂二與四也

正義

鄭義增成之

雷風相薄傳云薄入也釋文鄭用之

乾一索而得男傳云索數也釋文

為矯輮釋文鄭同

為果蓏傳云果桃李之屬蓏瓜瓠之屬釋文

為黔喙之屬傳云黔喙肉食之獸謂豺狼之屬黔黑也陽元在

前也集解鄭黔作黓義同

又

伏羲得河圖而作易卦辭文王爻辭周公正義首卷

皇清經解卷一千二百四十三終

嘉應直員葉軫校

皇清經解卷一千二百四十三

學海堂

易義別錄

武進張編修惠言著

周易宋氏劉氏

三國志注劉表爲荊州牧開立學官博求儒士使綦母闔宋忠等撰五經章句謂之後定釋文敘錄及隋經籍志皆有劉表易章句五卷釋文又引中經簿錄云注易十卷七錄云九卷錄一卷宜卽所謂後定者也而宋忠復自有著書釋文敘錄云宋衷易注九卷字仲子南陽章陵人後漢荊州五等從事又引七錄七志云十卷隋志則云梁有荊州五業從事宋忠注周易十卷亡忠與衷五業與五等形聲之殊蓋釋文成于隋其時宋注猶在陸元朗得見之隋志據唐時見存則知

此書亡于唐初矣然李鼎祚史徵皆詳引之則似未嘗亡者  
疑不能明也虞仲翔表云北海鄭元南陽宋忠雖各立注忠  
小差元而皆未得其門今以殘文推之仲子言乾升坤降卦  
氣動靜大抵出入荀氏虞君以爲差勝康成者或以此景升  
章句尤闕畧難考案其義于鄭爲近大要兩家皆費氏易也  
然費氏易无變動而仲子注革五云九者變爻則其異于鄭  
荀者不可得而聞云

周易宋氏

上經 象 象

乾

象曰天行健注云晝夜不懈以健詳其名餘卦當名不假于詳

矣集解 又見周易口訣義 餘卦下有各字矣作也

用九天德不可為首也注云用九六位皆九故曰見羣龍純陽

則天德也萬物之始莫能先之不可為首先之者凶隨之者吉

故曰无首吉集解

此注并釋羣龍則是宋注本分象附爻自乾而然矣或集解

并合其文邪

坤

象曰地勢坤注云地有上下九等之差故以形勢言其性也集解

需

象曰雲上於天需注云雲上於天須時而降也集解

此荀氏舉坎降陽之義知乾升坤降之例同

師

弟子輿尸注云弟子謂六三也失位乘陽處非所據眾不聽從

師人分北或敗績死亡輿尸而還故曰弟子輿尸謂使不當其

職也

集解

失位例乘陽例

開國承家注云陽當之五處坤之中故曰開國陰下之二在二

承五故曰承家開國謂析土地以封諸侯如武王封周公七百

里地也承家立大夫為差次立大夫因采地名正其功勳行其

賞祿

集解

此條盡與荀氏同知陽之五陰之二者乃升降非易位也又

此云在二承五承即應也以陰上應故亦得名承



泰

九三无平不陂无往不復艱貞无咎勿恤其孚于食有福象曰  
无平不陂天地際也注云位在乾極應在坤極天地之際也地  
平極則險陂天行極則往復故曰无平不陂无往不復也

集解

應例

六四翩翩不富以其鄰不戒以孚象曰翩翩不富皆失實也注  
云四互體震翩翩之象也蓋取震動翩翩為動貌陰虛陽實坤  
今居上故言失實也

集解

互例

否

象曰天地不交否注云天地不交猶君臣不接天氣上升而不

下降地氣沈下又不上升二氣特隔故云否也

集解

噬嗑

象曰雷電噬嗑先王以明罰敕法注云雷動而威電動而明二

者合而其道章也用刑之道威明相兼若威而不明恐致淫濫

明而无威不能伏物故須雷電並合而噬嗑備

集解

復

象曰雷在地中復先王以至日閉關商旅不行后不省方注云

商旅不行自天子至公侯不省四方之事將以輔遂陽體成致

君道也制之者王者之事奉之者為君之業也故上言先王而

下言后也

集解

頤

彖曰頤貞吉養正則吉也注云頤者所由飲食自養也君子割不正不食況非其食乎是故所養必得賢自求口實必得體宜體宜禮義也是謂養正也

集解

下經 彖 象

恆

象曰風雷恆君子以立不易方注云雷以動之風以散之二者常相薄而為萬物用故君子象之以立身失節而不易道也

集解

失節而不易道所謂反經合道也

遯

遯之時義大矣哉注云太公遯殷四皓遯秦之時也

集解

益

象曰益損上益下注云明君之德必須損己而利人則下盡益

矣周易曰

諛義

史

九五莧陸注云莧莧菜也陸商陸也

釋文與荀同

姤

羸豕孚蹢躅注云羸大索豕為繩也馬注大壯羸其角亦以為

大索所以繫豕者也豕為股又為進退股而進退則蹢躅也初

應于四為二所據不得從應故不安矣體豕為風動搖之貌也

集解取象及義盡與虞同

據例

革

革已日乃孚注云人情習常不說改易及變之後樂其所成故  
即日不孚已日乃孚矣故曰已日乃孚也已竟也周易曰已爲  
諛義

竟與荀同

九五大人虎變未占有孚象曰大人虎變其文炳也注云陽稱  
大五以陽居中故曰大人兌爲白虎馬亦以兌爲虎以位正西  
故也九者變爻故曰大人虎變其文炳也集解

九者變爻則似以爻辭象變矣而參考他爻又不然未聞其  
審

鼎

六五鼎黃耳金鉉利貞注云五當耳宋說象好用形似小過爲  
飛鳥此五當耳亦是也中色黃故曰鼎黃耳兌爲金又正秋互

例故曰金鉉公侯謂五也倒文蓋謂五為公侯也上尊故玉下

卑故金以上為天子金和良可柔屈喻諸侯順天子

集解

上九鼎玉鉉大吉无不利象曰玉鉉在上剛柔節也注云以金

承玉君臣之節上體乾為玉故曰玉鉉雖非其位陰陽相承剛

柔之節也

集解

荀氏卦變畧與虞同虞以鼎從大壯來上本乾初也此注云

上體乾為玉是卦變可知

巽

九二巽在牀下注云巽為木二陽在上初陰在下牀之象也二

陽象幹陰象其足二无應於上退而據初心在於下故曰巽在

牀下也

集解

小過

有飛鳥之象焉飛鳥遺之音注云二陽在內上下各陰有似飛鳥舒翮之象故曰飛鳥震為聲音飛而且鳴鳥去而音止故曰遺之音也

集解

既濟

初九曳其輪濡其尾无咎象曰曳其輪義无咎也注云离者兩陽一陰陰方陽圓輿輪之象也其一在坎中离一爻入互坎以火入水必敗故曰曳其輪也初在後稱尾尾濡曳曳上當脫輪字咎也得正有應於義可以危而无咎矣集解

繫辭上

原始反終故知死生之說

說始銳反釋文

注云說舍也

釋文

荀氏升降義乾始于坎舍于離坤始于離舍于坎乾生物始  
 于泰聚于午而終于否物死于否坤化成之羣于子而復始  
 于泰是始復為天地終始泰否為萬物始終皆舍于坎離宋  
 釋說為舍蓋同此義

夫乾其靜也專其動也直是以大生焉注云乾靜不用事則清  
 靜專一含養萬物矣動而用事則直道而行導出萬物矣一專  
 一直動靜有時而物无天瘁是以大生也集解夫坤其靜也翕其

動也闢是以廣生焉注云翕猶閉也坤靜不用事閉藏微伏應  
 育萬物矣動而用事則開闢羣蟄敬導沈滯也一翕一闢動靜  
 不失時而物無災害是以廣生也集解

動靜以用事言則十二爻辟卦之氣亦荀氏泰否始終之運



致寇至戎或作戎注云戎誤釋文

鼓天下之動者存乎辭注云欲知天下之動者在於六爻之辭

也集解

繫辭下

何以守位日人注云守位當得士大夫公侯有其仁賢兼濟天

下集解

文言

閑邪存其誠注云閑防也防其邪而存誠焉二在非其位故以

閑邪言之能處中和故以存誠言之集解

中和例同苟

君子進德修業注云業事也三為三公君子處公位所以進德

脩業也

集解

爻位例

陰雖有美含之以從王事弗敢成也地道也妻道也臣道也地道无成而代有終也注云臣子雖有才美含藏以從其上不敢有所成名也地得終天功臣得終君事婦得終夫業故曰而代有終也

集解

說卦

水火相逮

釋文云無不字

乾為天注云乾動作不解天亦轉運

集解

為圖注云動作轉運非

圖不能故為圖

集解

為駁馬注云天有五行之色故為駁馬也

集解

為木果注云羣星

著天似果實著木故為木果集解

其於稼也為反生注云陰在上陽在下故為反生謂泉豆之類

戴甲而生集解

巽為木注云陽動陰靜二陽動於上一陰安靜於下有似於木

也集解

坎為水注云坎陽在中內光明有似於水集解

為矯揉釋文注云曲者更直為矯直者更曲為揉水流有曲直故

為矯揉集解釋文云使曲者直直者曲為揉蓋誤脫為矯字

其於馬也為美脊注云陽在中央馬脊之象也集解

為曳注云水摩地而行故曳集解

其於木也為科上橐注云陰在內則空中木中空則上科橐也

集解

艮為山注云二陰在下一陽在上陰為土陽為木土積於下木

生其上山之象也

集解

為果蓏注云木實謂之果草實謂之蓏桃李瓜瓠之屬皆出山

谷也

集解

為闡寺注云闡人主門寺人主巷艮為主

主當為止

此職皆

掌禁止者也

集解

兌為澤注云陰在上令下溼故為澤也

集解

序卦

有事然後可大故受之以臨注云事立功成可推而大也

集解

周易劉景升氏

上經 彖 象

乾

象曰天行健章句云詳其名也正義與宋同

屯

君子以經論正義同鄭

謙

象曰地中有山謙章句云地中有山以高下下故曰謙謙之為

道降已升人

漢上易傳引此二句作降已而升人者也

山本地上今居地中亦降體

之義故為謙象也集解

大畜

君子以多志前言往行釋文

曰閑輿衛章句云曰猶言也釋文

六四童牛之牯章句云童妾也

釋文

未詳牯之言角也

釋文

六五豮豕之牙章句云豕去其勢曰豮

釋文

頤

山下有雷頤章句云山止於上雷動於下頤之象也

集解

其欲僮僮

釋文

章句云僮僮遠也

釋文

習飲

習飲

釋文

用京章句云水流行不休故曰習

釋文

象曰水洊至章句云洊仍也

釋文

係用徽纆示于叢棘

釋文

章句云三股曰徽兩股曰纆皆索文

釋文

言眾議于九棘之下也

釋文

訓示為眾議也

下經 彖 象

咸

憧憧往來章句云憧憧意未定也

釋文

家人

九三家人皤皤

釋文

鄭云苦熱之意亦當作此皤字

睽

其牛劓

釋文云劉本從說文解從鄭說文作劓鄭云牛角皆踊

損

君子以激忿

釋文

章句云激清也憤止也

釋文

憤與鄭同

萃

孚乃利用爇

釋文

未詳

繫辭上

知以臧往釋文章句云臧善也釋文

皇清經解卷一千二百四十三終

嘉應生員葉榦校



皇清經解卷一千二百四十四

學海堂

易義別錄

武進張編修惠言著

周易王子雍氏

王肅字子雍東海郡人魏司徒蘭陵成侯王朗之子文帝時  
 為散騎黃門侍郎稍遷廢帝嘉平中為中領軍加散騎常侍  
 李贈衛將軍諡景侯釋文敘錄云王肅易注十卷又云作易  
 音而無卷數隋經籍志有易注而無易音或音與注合為十  
 卷也肅著書務排鄭氏其託于賈馬以抑鄭而已故于易義  
 馬鄭不同者則從馬馬與鄭同則并背馬故鄭言周禮則肅  
 申馬論為殷春祭是也鄭言卦氣本于馬則肅附說卦而棄  
 馬西南陰方東北陽方用馬注而改其春秋之文是也馬鄭

取象必用說卦是以有互有爻辰則肅并棄說卦剝之以坤象牀以艮象人是也然其訓詁大義則出于馬鄭者十七蓋易注本其父朗所爲肅更撰定疑其出于馬鄭者朗之學也其掇擊馬鄭者肅之學也自馬鄭注行而費氏易興諸家皆廢荀宋雖費氏而宗之者不及馬鄭以馬鄭主于人事而不及易家動變之說也王朗父子竊取馬鄭而棄其言禮言卦氣爻辰之精切者王弼祖述王肅而並棄其比附爻象者于是空虛不根而道士之圖書作矣嗚呼魏晉以壯老亂天下而易先受其禍聖道之亂邪說不興時數會之于肅奚咎哉

上經

乾

利見大人注云大人在位之日

釋文 文選王褒聖主得賢臣頌李善注引云大人

在位之日 蓋誤脫也

言在位則亦以為九五之大人與鄭同矣

上九亢龍有悔注云窮高曰亢知進忘退故悔也

集解

坤

西南得朋東北喪朋注云西南陰類故得朋東北陽類故喪朋

漢上易

叢說

此即馬荀注也然不取其孟春孟秋三陰三陽之文其意蓋不取卦氣也然則陰陽類者說卦之方東與北乾坎艮震陽卦西與南巽離坤兌陰卦也

屯

乘馬班如注云班如槃桓不進也

文選陸士衡演連珠注

與馬同

六三即麓无虞

釋文

注云麓山足

釋文

蒙

上九擊蒙注云擊治也

釋文

需

致戎至

釋文

目鄭

訟

上九或錫之鞶帶終朝三褫之

釋文

鞶用馬亦當訓大注云褫解

也

釋文

師

否臧

否方有反釋文

文于豐日中見沫云王肅云音妹此易音文

也則凡直音者肅本音反語後人音也

比

六三比之匪人凶釋文

泰

拔茅茹茹音如 釋文

同人

九三伏戎于莽莽冥黨反 釋文

大有

九二大車以載車剛余反 釋文 讀為輿也

九四匪其彭注云彭壯也釋文

豫

六三盱豫注云盱大也釋文 鄭云誇也大亦誇意

朋益簪 簪又祖感反 釋文 毛居正六經正誤 云簪王肅音祖 咸翻盧召弓以毛非是

蠱

有子考 絕句 釋文 同馬

觀

觀盥而不觀薦 釋文 馬義

噬嗑

九四噬乾肺得金矢注云四體純 太平御覽 陰卦骨之象骨在乾 覽作禽

肉脯之象金矢所以獲野禽以 御覽 作故 食之反得金矢君子於味

必思其毒於利必思 御覽 其難 脯部 初學記 以陰象骨正與鄭反乾

剛坤柔經有明文何不思之甚

上九荷校滅耳注云荷擔 釋文

賁

初文反 賁 釋文 注云賁有文飾黃白色 釋文 鄭箋詩白駒云易卦云山

下有火賁賁黃白色也此與之同

六五賁于邱園束帛芟芟注云失位无應隱處邱園蓋象衡門 之人道德彌明必有束帛之聘也芟芟委積之貌也 文選陸士衡演連珠

注 又東京賦注象衡門三字作蒙闇二字 又謝靈運九日從宋公戲馬臺詩注引失位无應隱處邱園二句 又陸士衡謝平原內史表注引隱處邱園 道德彌明必有束帛之聘三句

失位例應例

剝

六二剝牀以辨

辨否勉反 釋文

六四剝牀以膚凶注云在下而安人者牀也在上而處牀者人

也坤以象牀艮以象人牀剝盡以及人身為敗滋深害莫甚焉  
故曰剝牀以膚凶也集解易象之學于是盡失

復

无禔悔禔時支反釋文

无妄

无妄注云妄猶望謂无所希望也釋文同馬鄭

頤

六一顛頤拂經于邱頤貞凶注云養下曰顛拂違也經常也邱

小山謂六五也在艮為山二宜應五反下養初豈非顛頤違常

于五也故曰拂經于邱矣拂邱雖阻常理養下故謂養賢上既

无應征必凶矣故曰征凶集解頤之道以陽養陰故彖云天地養



萬物聖人養賢以及萬民今乃謂以二養初其謬甚矣違常于

五亦不辭

大過

大過

過音戈  
釋文

習坎

入于坎窞

窞又徒感反  
釋文

注云窞坎底也

釋文

險且枕

枕針甚反  
釋文

離

則大耋之嗟

耋又他結反嗟又遭哥反  
釋文

注云八十曰耋

釋文

九四突如其

突唐屑反  
釋文

下經

咸

憧憧往來注云憧憧往來不絕貌

釋文

與馬亦同

九五咸其脢

脢又音灰釋文

注云脢在背而夾脊

正義

鄭義同

遯

莫之勝說

說如字釋文

注云說解說也

釋文

小人否

否備鄙反釋文

注云否塞也

釋文

同鄭

大壯

大壯注云壯盛也

釋文

與鄭義同

君子用罔注云罔无

釋文

同馬

繅其角

繅音縲釋文

晉

矢得勿卹釋文同馬鄭注云离為矢釋文同馬

明夷

六二明夷夷于左般釋文注云般旋也日隨天左旋也釋文同馬

睽

睽音圭釋文

其人天且艱艱魚一反釋文

後說之壺釋文同京馬鄭

蹇

蹇紕偃反釋文

解

九四解而拇注云拇手大指釋文

皇壽經解 卷之三 張編修易義別錄

損

上九弗損益之无咎貞吉利有攸往得臣无家注云處損之極  
損極則益故曰不損益之非无咎也為下所益故无咎據五應  
三三陰上附外內相應上下交接正之吉也故利有攸往矣陽  
剛居上羣下共臣故曰得臣矣得臣則萬方一軌故无家也

集解

據例

益

告公用桓圭

釋文

虞云圭桓圭也

史

九三壯于頄

頄音龜

釋文

其行赳赳

釋文

注云赳赳行止之礙也

釋文

九五莧陸注云莧陸一名商陸正義同馬鄭

姤

初六繫于金柅泥從手注云金柅織績之器婦人所用正義說文

柅絡絲柅也卽此

羸豕羸劣隨反釋文

萃

萃亨釋文鄭亦同

若號號戶羔反同馬鄭釋文

六二引吉无咎孚乃利用禴注云六二與九五相應俱履貞正

引由猶通迎也爲吉所迎何咎之有舊唐書一百卷禴殷春祭名王志愔應正論

釋文說禴同馬

上六齋咨 齋將啼反 釋文

升

六四王用亨于岐山 亨許兩反 釋文

同馬鄭

困

九四來余余 釋文

九五隳臯 釋文 注云隳臯不安貌 釋文 鄭云臯別當為倪仇此亦同

鄭

于隳臯 隳奸詰反 釋文

井

汔至 汔其乞反 釋文

九二井谷射鮒 射音亦 釋文 同鄭注云射厭也 釋文 鮒小魚 太平御覽 同鄭

雍徹漏 徹扶滅反

釋文

九五井冽

冽音例

釋文

震

震驚百里不喪七鬯注云在有靈而尊者莫若于天有靈而貴者莫若于王有聲而威者莫若于雷有政而嚴者莫若于侯是以天子當乾諸侯用震地不過一同雷不過百里政行百里則七鬯亦不喪祭祀國家大事不喪宗廟安矣處則諸侯執其政

出則長子掌其祀

太平御覽

六三震蘇蘇注云蘇蘇躁動貌

釋文

艮

厲熏心

漢上易傳

注云熏灼其心

漢上易傳

同馬荀

皇清經解

卷五十四

張編修易義別錄

漸

初六鴻漸于干注云干山間澗水也

釋文

飲食衍衍注云衍衍寬饒之貌也

文選左太冲魏都賦注

馬云饒衍亦同

歸妹

九四歸妹愆期注云愆過也

文選劉越石扶風歌注

同馬

豐

雖旬无咎

旬尚純反或音唇釋文

六一豐其蔀

蔀音苟反釋文

日其見沫

沫音妹釋文唯此音作王肅云

旅

旅注云軍旅

釋文



初六旅瑣瑣注云瑣瑣細小貌釋文同鄭義

喪牛于易易音亦  
釋文

渙

初六用拯注云拯拔也釋文馬云舉也亦同

九五渙汗其大號注云王者出令不可復返喻如身出汗出不

可反也北堂書鈔  
一百三

中孚

我有好爵好呼報反  
釋文

或罷罷音皮  
釋文

小過

小過過音戈  
釋文

既濟

六二婦喪其鬢勿逐七日得注云體柔應五履順乘剛婦人之

義也鬢首飾坎為盜離為婦喪其莠

集解經文作鬢注中兩作鬢莠字或王本作莠集解

改之未盡耳

鄰於盜也勿逐自得履中道也二五相應故七日得也

集解

此取應五坎為盜則王肅不用互卦也二既以五為夫又以

為盜又取相應為七日得乖錯甚矣

未濟

小狐汔濟注云坎為水為險為隱伏物之在險穴居隱伏往來

水間者狐也

漢上易說卦傳

據此則凡坎下之卦皆得稱狐矣又水險

隱伏皆坎象往來者以何象之故易象之學失之自王肅始

彖上傳

釋文云王肅本作繫辭上傳訖于雜卦皆有傳字則彖象亦云傳可知

隨

而天下隨之隨之時義大矣哉

釋文

改經文以合佗卦之例不知

隨義主於隨時此王肅之陋也

觀

大觀在上

觀音官釋文

習坎

險之時用大矣哉注云守險以德據險以時成功大矣

集解

離

百穀草木麗乎地

釋文

彖下傳

咸

二氣感應以相與止而說男下女是以亨利貞取女吉也注云  
山澤以氣通男女以禮感男而下女初婚之所以為禮也通義

正取女之所以為吉也

集解

此以義釋利則知四德皆依文言與鄭同

明夷

文王以之注云唯文王能用之

下亦然釋文

家人

家人有嚴君焉父母之謂也父父子子兄兄弟弟夫夫婦婦而  
家道正正家而天下定矣注云凡男女所以能各得其正者由  
家人有嚴君也家人有嚴君故父子夫婦各得其正家家咸正

而天下之治大定矣

集解

睽

其志不同行

行遐孟反釋文

天地睽而其事同也注云高卑雖異同育萬物

集解

蹇

往得中也注云中適也

釋文

王肅不知中義故轉為適往得適不

辭

姤

勿用取女不可與長也注云女不可取以其不正不可與長久

也

集解

漸

漸之進也女歸吉利貞

釋文

歸妹

歸妹天地之大義也天地不交而萬物不興注云男女交而後

人民蕃天地交然後萬物興故歸妹以及天地交之義也

集以解

及者謂以歸妹而及天地交也

征凶位不當也無攸利柔乘剛也注云以征則有不正之凶以

處則有乘剛之進也故无所利矣

集解

中孚

中孚柔在內而剛得中說而與孚注云三四在內二五得中兌

說翼順故孚也

集解

利涉大川乘木舟虛也注云中孚之象外實內虛有似可乘虛

木之舟也

集解

小過

上逆而下順也注云四五失位故曰上逆二三得正故曰下順

也

集解

象上傳

乾

大人造也

造七到反釋文

坤

文在中也注云坤為文五在中故曰文在中也

集解

以此知王肅解易尚依爻象不如王弼之虛謾

需

雲在天上需釋文

訟

患至掇也注云若手拾掇物然正義

師

君子以容民畜眾畜許六反注云畜養也釋文

承天龍也釋文注云龍寵也釋文

同人

君子以類族辯物辯卜免反釋文

隨

君子以鄉晦入宴息鄉許亮反宴烏顯反釋文

蠱



君子以振民毓德釋文云毓古育字

噬嗑

聰不明也注云言其聰之不明釋文

復

以下仁也注云下附於仁釋文

離

明兩作離大人以繼明照于四方注云兩離相續明之義也初學

記皇太子部

離王公也注云麗王者之後為公釋文蓋同鄭本作麗王公也

王用出征以正邦也獲匪其醜大有功也釋文

象下傳

遯

係遯之厲有疾斃也畜臣妾吉不可大事也

釋文

注云三上係于

二而獲遯故曰係遯病此係執而獲危懼故曰有疾斃也此於

六二畜臣妾之象足以畜其臣妾不可施為大事也

集解

三係于

二不宜云上之以三為臣妾與經文又不合疑三二字誤當二

上係于三三執用黃牛之革者謂三執係之三執二而二終遯

故以為三病也二為三之臣妾臣妾可以係執餘事則不能也

大壯

不能退不能遂不祥也

釋文

注云祥喜也

釋文

同鄭

姤

后以施命詰四方

釋文

注云詰止也

釋文

同鄭

萃

君子以除戎器注云除猶脩治釋文同姚陸

升

君子以順德釋文

井

君子以勞民勸相相如字釋文

漸

君子以居賢德善風俗釋文

豐

豐其屋天際祥也闕其戶闐其无人自戕也釋文注云戕殘也釋文

祥曰鄭戕義亦與鄭同

繫辭上傳釋文

在天成象注云象者日月星

記正義

在地成形注云山川羣

七經

考文校

物也

禮記義

同馬鄭

八卦相蕩

蕩唐黨反

鼓之以雷霆

霆音庭

釋文

凡經文相接者雖兩處引

乾知泰始

釋文

而易成位乎其中矣

釋文 同馬

三極之道也注云陰陽剛柔仁義為三極

釋文

即鄭三才之義

齊小大者存乎卦注云齊猶正也陽卦大陰卦小卦列則大小

分故曰齊小大者存乎卦也

集解

憂悔吝者存乎介注云介纖介也

釋文

震无咎者存乎悔注云震

動也

釋文

故能彌綸天下之道注云綸纏裏也

釋文 文選文賦 注作彌綸纏裏也

犯違天地之化

釋文 同鄭

故君子之道鮮矣注云鮮少也

釋文

其利斷金

斷丁管反 釋文

野容誨淫

釋文

注云作野音也

釋文既云王肅作野又引王肅云作野音也殊未詳或以治讀作野

掛一以象三

掛音卦 釋文

夫易闔物成務

闔音同開 釋文

錯綜羣數

文選注如此 未知王本否

注云錯交也綜理事也

文選郭璞江賦 注 又向秀思

舊賦注何敬祖贈張華詩注曹子建七啟注 顏延年元皇后哀冊文注皆引綜理事也

聖人以此洗心

洗悉禮反 釋文

古之聰明睿知神武而不殺者夫 殺所戒反 釋文

關戶謂之乾 闢甫亦反 釋文

是故易有大極是生兩儀注云此章首獨言是故者總眾章之

意 釋文 兩儀天地也 文選潘安仁贈陸機詩注 又任彥昇宣德皇后令注 兩儀天地也亦馬

義

雒出書 釋文云漢家以火 德王故從各佳

乾坤其易之緼耶 緼又於門 反 釋文

繫辭下傳 釋文

何以守位曰仁 釋文

以體天地之撰 撰士眷反 釋文

德之辯也 辯卜免反 釋文

不可遠遠去哀萬反  
釋文 同馬

噫亦要存亡吉凶則居可知矣噫於力反居音基  
釋文 注云噫辭也居辭

釋文 噫辭同馬居辭同鄭智者觀其象辭則思過半矣注云彖舉

象之要也釋文 則以彖辭為卦辭也亦同馬

成天下之亶亶者注云亶亶勉也釋文

文言傳

上下无常上時掌反  
釋文

水流溼火就燥注云水之性潤萬物而退下火之性炎盛而升

尚書洪範正義 雲從龍風從虎注云龍舉而景雲屬虎嘯而谷風興

史記伯夷列傳集解

六爻發揮注云揮散也釋文

其唯愚人乎知進退存亡釋文

說卦傳釋文

參天兩地而倚數倚其綺反注云倚立也釋文同虞五位相合以

陰從陽天得三合謂一三與五也地得兩合謂二與四也正義此

亦用鄭五位相得而各有合之義

水火不相射射音亦注云射厭也釋文同虞陸董姚

眇萬物而為言者也眇音妙

燒萬物者莫疾乎風燒乃教反又呼燥萬物者莫熯乎火熯呼且反

注云熯火氣也釋文

水火相逮釋文云無不字同鄭宋陸

震一索而得男注云索求也釋文



為奠 粵音孚 釋文

為香臭 釋文 正義 今本為臭

為矯輮 輮奴又反又女九反 釋文 字同馬鄭 又如又反

為亟心 亟去記反 釋文

為黔喙之屬 黔其嚴反 釋文

序卦傳

屯者物之始生也注云屯剛柔始交而難生故為物始生也 正義

豫必有隨注云歡豫人必有隨隨 下隨 字誤者 正義

不養則不可動故受之以大過注云過莫大于不養 正義

雜卦傳 釋文

蠱則飾也 釋文 同鄭

皇清經解卷一千二百四十四終

嘉應生員葉榦校

皇清經解卷一千二百四十五

學海堂

易義別錄

武進張編修惠言著

周易董氏

董遇字季宣宏農華陰人建安初舉孝廉稍遷黃門侍郎魏  
黃初中出為郡守明帝時入為侍中大司農卒釋文敘錄董  
遇章句十二卷又引七志七錄並云十卷隋書經籍志則云  
梁有魏大司農董遇章句十卷亡攷集解不引董遇則遇書  
亡于唐初蓋可知遇著書在王肅前故無與肅合者其于鄭  
荀則多同義雖不可考要之為費氏易也

上經 象 象

屯

天造草昧章句云草昧微物釋文

泰

初九拔茅茹以其彙釋文章句云彙出也釋文

謙

君子以裒多益寡釋文章句云裒取也釋文與鄭荀並同

噬嗑

九四噬乾脯釋文同荀

賁

白馬翰如章句云翰馬舉頭高印也釋文義與馬荀亦同

剝

君子德車釋文

无妄

不蕃畚章句云蕃反草也悉壽曰畚釋文

下經 彖 象

吏

九五莧陸章句云莧人莧也陸商陸也正義同宋

既濟

婦喪其髻釋文義與虞同

繫辭上

鼓之以雷霆章句云鼓鼓動也釋文同虞陸

乾以易知易音亦同鄭荀虞

辯吉凶者存乎辭釋彼列反章句云辯別也釋文同虞姚

皇清經解 卷五十五 張編修易義別錄

大衍之數五十其用四十有九章句云天地之數五十有五者

其六以象六畫之數故減之而用四十九正義同姚

聖人以此先心釋文與京荀虞並同

繫辭下

夫坤妥然示人簡矣釋文同陸姚

象也者象也釋文同孟京虞姚

文言

君子體信足以長人釋文同京荀

為其兼于陽也釋文一本同荀陸

說卦

水火不相射射音亦章句云射厭也釋文與盧陸姚王肅並同

眇萬物而為言者也章句云眇成也釋文

為幹卦釋文眾家本作乾卦

鄭云乾當為幹亦用鄭也

皇清經解卷一千二百四十五終

嘉應生員葉輕校

張編修易義別錄

空十二





皇清經解卷一千二百四十六

學海堂

易義別錄

武進張編修惠言著

周易王世將氏劉子珪氏

王廩字世將琅邪臨沂人晉愍帝時封武陵縣侯元帝時爲  
 左衛將軍遣諭王敦遂爲敦平南將軍荊州刺史尋卒猶贈  
 侍中驃騎將軍諡曰康侯釋文敘錄易王廩注十二卷又引  
 七志七錄云十卷隋志唯有三卷殘闕劉瓛字子珪沛國相  
 人宋大明四年舉秀才除奉朝請不就博通五經聚徒教授  
 常有數十人嘗爲主簿行參軍公事免遂不復仕齊太祖踐  
 祚欲用爲中書郎不受後以母老闕養拜彭城郡丞又除會  
 稽郡丞數除官皆不拜卒諡曰貞簡先生釋文敘錄引七錄

皇清經解 卷三十三  
一  
云劉瓛作繫辭義疏隋志有劉瓛繫辭義疏二卷又周易乾  
坤義一卷又云梁有周易四德例一卷亡文選注所引或云  
易注卽其疏義之文非別有注也而冊府元龜有劉瓛義九  
卷董真卿周易會通引劉瓛同人之注皆不足信東晉以後  
言易者大率以王弼爲本而附之以元言其用鄭宋諸家小  
有去取而已非能通其說如王廙者是也齊代鄭義甚行史  
稱子珪承馬鄭之後一時學徒以爲師範其于易或宜宗鄭  
黜王殘闕之餘無聞焉耳

周易王世將氏

上經 象

大有

明辨晰也

晰章舌反

此用鄭讀字也

謙

利用寢伐

釋文

蓋以謙尊而光六五居尊位義當偃武與上六異

義故破侵為寢既不知卦象又昧于人事非也

豫

上六冥豫注云冥深也

釋文

賁

象曰山下有火賁注云山下有火文相照也夫山之為體層峯

峻嶺峭嶮參差直置其形已如彫飾復如火照彌見文章賁之

象也

集解

又見周易口訣義作山下有火文明相照夫山之

為體層峯峻嶺巖巒峭麗參差被日光照耀如以彫飾而

見文章賁

之象也

下經

咸

六二咸其腓注云腓腓腸也

釋文用鄭

益

王用亨于帝

亨許庚反釋文

用王弼隨注之義

夬

九二惕號

號音号釋文

用鄭

萃

若號

號戶羔反釋文

用鄭王肅

豐

九三豐其沛

沛豐蓋反又補賴反釋文

既濟

六四襦有衣袽釋文

繫辭上

君子之樞機注云樞戶樞也機弩牙也釋文同鄭

大衍之數五十注云衍廣也釋文蜀才同

繫辭下

斝于石斝古黔反釋文

无祗悔祗音支釋文

說卦

發揮於剛柔而生爻注云揮散也釋文用王肅

水火相逮釋文云无不字用鄭宋王肅陸績

兌為羊注云羊者順之畜故為羊也正義

為瘠馬注云健之甚者為多骨也釋文為駮馬注云駮馬能食虎

豹為其至健也正義

為大塗注云大塗萬物所出太平御覽

為矯揉程文用宋

其於輿也為多眚注云眚病也釋文

為徑路注云物始故為徑路太平御覽

周易劉子珪氏

乾坤義

用九義云總六爻純九之義故曰用九也集解

彖曰義云彖者斷也斷一卦之才也集解

首出庶物萬國咸寧義云陽氣為萬物之始故曰首出庶物

君而天下皆寧故曰萬國咸寧也集解

文言義云依文而言其理故曰文言集解

至哉坤元義云至極也文選繆陽上書吳王注萬物資生義云

自無出有曰生生得性之始也文選陶淵明雜詩注又左太冲

不引經文乃順承天義云萬物資生於地故地承天而生也集解

繫辭上義疏案正義上繫分為十二章

鼓之以雷霆義疏云雷霆也震為雷離為電釋元應一切經音義大智度論案

注文經字鼓之以雷霆

憂悔吝者存乎介義疏云介微也一切經音義五分律

故能彌綸天地之道義疏云彌廣也文選孫興公天台山賦注

華嚴經引易彌綸天地之道注云彌廣也綸經理也元應所引多用子珪上旬既與文選注同疑亦是劉注

治容誨淫義疏云治妖冶也一切經音義維摩話經又大愛道比邱尼經

成天下之亶亶者義疏云亶亶猶微微也一切經音義大智度論

聖人以此洗心洗悉殄反義疏云洗盡也釋文

繫辭下義疏正義云劉瓛為十二章以對上繫十二章也

皇清經解卷一千二百四十六終

嘉應生員葉輪校



皇清經解卷一千二百四十七

學海堂

易義別錄

武進張編修惠言著

周易子夏傳 薛虞記

釋文敘錄子夏易傳三卷七略云漢興韓嬰傳中經薄錄云  
丁寬所作張璠云或駢臂子弓所作薛虞記虞不詳何許人  
中經薄子夏傳四卷七錄子夏傳六卷見唐會要劉子元等  
議隋書經籍志周易傳二卷魏文侯師卜子夏傳殘闕梁六  
卷案漢書藝文志易有韓氏二篇丁氏八篇而無駢臂子弓  
則張璠之言不足信丁寬受易田何上及駢臂子弓受之商  
瞿非自子夏則荀勗言丁寬亦非劉向父子博學近古以爲  
韓嬰當必有據儒林傳稱韓生亦以易授人推易意而爲之

傳不聞其所受意者出於子夏與商瞿之傳異邪今所傳子夏傳十一卷崇文總目云十卷以釋文集解諸書所引校之都不相合晁以道云是唐張弧所作惠徵士棟以爲唐時子夏殘書尙存無容僞爲爲之必宋人也然子謂卽唐時二卷者亦非真韓氏書其文淺近卑弱不類漢人殆永嘉以後羣書旣亡好事者聚斂眾說而爲之也朱子發云孟喜京房之學大要皆自子夏傳而出此不察之言也孟京之易傳之商瞿豈得出於子夏哉子發又以七日來復傳證京房六爻之義以井谷射鮒傳證井爲五月之卦固有合者要之爲傳者取于孟京非孟京取於此傳觀其文義可知也然晁以道云二卷之書不傳而漢上易傳所引皆非十一卷之僞書則似

朱子發見之者其復出於公晁後邪而何時亡之又不可曉也

上篇

正義首卷云子夏傳云雖分爲上下二篇未有經字

乾

乾元亨利貞傳云元始也亨通也利和也貞正也言乾秉純陽之性故能首出庶物各得元始開通和諧貞固不失其宜是以君子法乾而秉四德故曰元亨利貞矣

集解

初九潛龍勿用傳云龍所以象陽也

集解

上九亢龍有悔傳云亢極也

集解

坤

先迷後得主

漢上易傳

屯

初九盤桓傳云盤桓猶桓桓旋也 漢上易傳

六二屯如傳云如辭也 釋文

乘馬班如 乘音繩 釋文 傳云班如相索不進兒 釋文 正義作班如者謂相牽不進也

訟

无咎傳云妖祥曰眚 釋文

師

師貞大人 集解崔憬云又漢上易傳

比

比吉傳云地得水而柔水得土而流比之象也夫凶者生乎乖

爭今既親比故云比吉也 集解 釋文引云地得水而柔水得

地得水而

柔二句

終來有它吉傳云非應稱它漢上此與荀義合

六三比之匪人傳云處非其位非人道也漢上以匪為非與馬

合

正位例

小畜

九三輿說輶漢上傳云軸車勳也正義謂輶為軸與車之勳連關

軸與車者車謂輿也

九五有孚戀如釋文傳云戀思也釋文

月近望釋文

履

愬愬傳云愬愬恐懼兒釋文馬義同

泰

六四翩翩釋文同虞

六五帝乙歸妹傳云帝乙歸妹湯之嫁妹也漢上易傳本乾鑿度

上六城復于隍釋文傳云隍城下池也正義

大有

九四匪其旁釋文漢上易傳云子夏傳讀作旁旁盛滿貌

謙

謙釋文傳云謙謙也釋文

撝謙傳云撝謙化謙也漢上易傳或即京氏上下皆通之義

豫

六三紆豫釋文紆緩亦夸大之意或即鄭義

朋益簪釋文傳云簪疾也釋文亦鄭速也之意

蠱

先甲三日後甲三日傳云先甲三日辛壬癸也後甲三日乙丙

丁也集解義無取於壬癸乙丙其用鄭而失之乎

噬嗑

九四噬乾脯釋文同荀

賁

束帛殘殘釋文菱陸音在于反則菱殘通字傳云五匹為束三元

二纁象陰陽釋文與鄭禮注同記云禮之多也釋文即馬云委積之

意

剝

六二剝牀以辨記云辨膝下也釋文同鄭

復

七日來復傳云極六位而反於坤之復其數七日其物陽也漢上

易傳朱子發云京房曰六爻反復之稱陸續注京房易傳曰六陽

涉六陰又七爻在初故稱七日日亦陽也與此義同

此辟卦十二爻之例

有災眚傳云傷害曰災妖祥曰眚釋文

大畜

初九有厲利已傳云居而待命則利往而違上則厲漢上易傳

頤

六二顛頤弗經釋文傳云弗輔弼也釋文



其欲攸攸釋文記云攸攸速也釋文

坎

濕于叢棘釋文

離

噦嗟若噦子六反谷慙也釋文

下篇

咸

初六咸其拇釋文記云拇足大指也釋文同馬鄭

九五咸其脢傳云在脊曰脢正義與鄭云背脊肉同

遯

上九肥遯傳云肥饒裕正義

皇清經解 卷五十七 張編修易義別錄

晉

九四晉如碩鼠釋文 漢與鄭合

明夷

六二明夷睇于左股用折馬壯吉釋文 漢睇同鄭折用說文

睽

其牛契釋文傳云契一角仰也釋文

益

益傳云雷以動之風以散之萬物皆益正義 同孟

夬

擊羊悔亡釋文

九五莧陸傳云莧陸木葉草根則上柔下也正義

妬

初六繫于金鏹

釋文

九五以杞苞瓜

釋文云作杞

苞瓜義

記云杞杞柳也杞性柔韌宜屈撓

似匏瓜又為杞柳之杞

正義

釋文作杞柳柔韌木也

依記文則經字當作匏

義仍與苞同又為杞柳之杞柳蓋誤字當為梓也杞為杞柳與

鄭同為杞梓則馬義

困

九四來茶茶

釋文

與翟同

于艱旒

薛又作艱旒釋文

井

九二井谷射鮒傳云井中蝦蟇呼為鮒魚

正義

釋文作鮒謂蝦蟇又見周易口

訣義云鮒是蝦蟇也

朱子發云井為五月之卦螻蝻鳴故曰蝦蟇

六四井甃傳云甃亦治也以塿壘井脩井之壞謂之為甃

正義釋

文云發子夏傳云脩治也本云以塿壘井為甃盧召弓本釋文本云作于云以正義合之以塿壘井正是子夏傳本云者或當為又云或後人校釋文者增注盧好改字未足信

鼎

我仇有疾傳云仇謂四也

漢上易傳

四以近權惡我專任

漢上易傳

漢上

易又云鄭以九四為九二仇則同鄭義

其形握

漢上易傳

艮

厲薰心

漢上易傳

歸妹

六五帝乙歸妹傳云湯之嫁妹也漢上易傳

士刲羊无血傳云血謂四漢上易傳

朱子發云士刲羊三而无血則以互體言矣

豐

六二豐其蔀薛作菩釋文記云菩小蔀釋文與鄭同

九三豐其蔀日中見昧釋文漢傳云蔀小也亦虞蔀小之意

昧星之小者釋文與馬同記云昧輔星也釋文九家云斗杓後小星

即輔星也

旅

得其齊斧釋文眾家皆同

渙

初六用拊馬壯吉

釋文傳云拊取也

中孚

吾與爾縻之

漢上易傳釋文埤倉作縻云散也

六三得敵傳云三與四為敵

漢上易傳

既濟

既濟傳云陽已下陰萬物既成

漢上易傳

六位之正陽皆下陰此與荀氏三陽降為泰則為既濟三陰

降為否則為未濟其義正同但荀以既濟為物之始此以為

物之成或以物出地為成邪

六二婦喪其裼

釋文同虞

六四禱有衣袽

釋文

記云禱古文作縹

釋文

未濟

小狐汔濟傳云坎稱小狐

漢上易傳

朱子發云九家集解坎為狐孟

喜曰坎穴也狐穴居義皆同惠言謂孟氏以坎為穴不為狐九

家於象甚疎坎為狐非也就使坎得為狐又何稱小故知為此

傳者妄爾

又

傳云婦人學于舅姑者也

漢上易傳引以言新不知何卦之傳

國語文

工部都水司郎中臨川李秉綬刊

皇清經解卷一千一百四十七終

嘉應生員葉軫校